

Projek lebar jalan siap hujung tahun

RAWANG - Projek pelebaran jalan mem-babitkan Jalan Batu Arang-Jalan Sungai Bakau sehingga sempadan Kuala Selangor yang dijalankan sejak Ogos lalu dijangka siap menjelang Disember 2015.

Adun Rawang, Gan Pei Nei berkata, projek bernilai RM25 juta itu dilakukan secara berfasa dan kini baru di peringkat pertama.

“Pelebaran jalan akan mengubah laluan yang sebelum ini hanya satu lorong menjadi dua lorong.

“Kos turut mengambil kira pampasan ambil alih tanah, pengalihan utiliti dan pengubahan laluan Sungai Gong,” katanya.

Menurutnya, kelewatan projek yang sepatutnya bermula Disember 2013 disebabkan proses ambil tanah yang mengambil masa lama.

“Antara jalan yang terlibat ialah dari gerai buah-buahan di Kampung Sungai Bakau hingga ke persimpangan Rawang Saujana sepanjang 1.2 kilometer,” katanya.